



UNIVERSITÄTS-
BIBLIOTHEK
PADERBORN

Universitätsbibliothek Paderborn

Evsebivs || De Euangelica pr[a]eparatione

Eusebius <Caesariensis>

[Augsburg], 1522

VD16 E 4299

Quod unusquisq[ue] philosophorum quod ipse conijciebat, de dijs
sequebatur. Cap. iij

urn:nbn:de:hbz:466:1-34477

LIBER. QVARTVS DECIMVS 37

homines confundebat, ita nullus ei resistere poterat, sed erant omnes quibus cum pugnabat multo inferiores. Carneadi autem Clytoma chus successit, Clytomacho Philon, de quo idem Numenius haec per strinxit. Philo cum Clytomacho successisset, nimia letitia confusus, quasi gratiam habens, quae illi uisa fuerat confirmabat, amplificabat, quod ac aduersus Stoicos cunctis viribus armabatur, sed temporis spacio ueritate rerum coniuncta incomprehensibilitatis opinio fuit. Quare Philon quod ipse ne transfiga uideretur, redargui magnopere cupiebat. Huic Antiochus in Academiam successit, qui Stoicum Mnesarchum secutus, Philoni preceptor in quo paucis contradixit, & aliena dogmata in Academiam induxit. Haec de successione Platonicis ab ipsis, ut uides, philosophis tradita sunt. Considera igitur alius oratione falsitatem dogmatum & pugnas philosophorum, qui & si per uniuersum orbem amore ueritatis errauerint, nullum tamen laboribus dignum fructum posteris transmittere potuerunt, sed nec ipsi magnam utilitatem consecuti sunt. Cultus enim idolorum & multitudo deorum opinio quasi pestis omnia contagione sua inuaserat, quae ipsos quoque philosophos moribus ciuitatum ac legibus sacrificantes summa sererat.

Quod unusquisque philosophorum, quod ipse coniiciebat
de diis sequebatur.

CAP. III.

Nihil enim ueri de diis a prioribus acciperunt, sed suis cogitationibus conjectura ducti, de natura philosophantur. quod Porphyrius in epistola ad Aegyptium Anebonem his uerbis fatetur. Incipiam uero inquit a diis & demonibus bonis, de quibus plurima Graecorum philosophi dixerunt, sed quae dixerunt conjecturis praecipue nituntur. Et subiungit. Magna pugna de his uerbis apud nos est, humanis enim rationibus de bonis coniucimus: qui autem altiora hoc modo inuestigant, cum pervenire nequeant quo proficiunt uoluerint, frustra philosophantur. Idem ipse in libro ad Boethum de animae historia inquit. Communis quidem hominum sententia immortalem esse animam praedicit, rationes uero, quae a philosophis adducuntur, faciles refutatu sunt. Nulla enim apud philosophos opinio propter contrarias rationes, quas facile contradicentes inueniunt, firma esse uidetur, immo vero

I. etiam



338 DE PRAEPARATIONE EVANGELICA

etiam de his q̄ oculis cernuntur, nihil esse confirmandum multi opinati sunt. Et in libro de Responsis, iō Apollinis oraculo in testimonium citato seductos fuisse Græcos, & ab Aegyptijs, Chaldæis, & Hebrais ueritatem, ut in superioribus diximus, conspectam affimat. Videmur ne igitur accusandino nos qui seductas gentes contempsimus, & hebraicæ scripture toto animo adhesimus. Cur em̄ oportet nos philosophos audire, ac magni quicquam ab illis uelle discessere, si cōiecturis utuntur. & uarijs rationibus atq; diuersis, in summa omnium dubitationem adducant, quod ut re ipsa uideas ipsoz philosophorum de principijs, de dijs, de uniuersi constitutione uarias, immo uero contraria sententias exponem.

Quod mathematicæ disciplinæ nihil conferant ad pietatem.

CAP VT III.

I prius ostendero nihil Astrologiam, Arithmeticam, Geometriam, Musicamque (ipsi mathematicas disciplinasq; vocant) quæq; non ipsi inuenierunt, sed a Barbaris accæperunt, ad inueniendam, ut ipsi putant, ueritatem conferre. Nam si disciplinarum inquit cognitio animum non formauerit, nullus recte philosophari, nec deum cognoscere potest. Ita quasi deus ipse numeris determinatur, nos qui eas disciplinas nō admiramus, pecudes esse arbitrantur, nec magni aliquid posse nos intelligere contendunt. Res autem ipsa ostendit multos apud Græcos fuisse, innumerabiles apud Barbaros, qui quamvis has disciplinas optime tenuerint: nec deum tam, nec recte uiuendi normam cognouerunt. E cōtra multos sine illis pie simul atq; sanctissime uixisse. Itaq; Socratem, quem merito omnes admirantur, nō magni has disciplinas fecisse, Xenophon in libro de dictis Socratis scribit. Docebat inquit quātum oporteat singulatum rerum atque artium habere peritiam. Nam tantū Geometriae studēdum consulebat, quantum sufficeret ad mensurationē agrorum ac distributionem, quod adeo facile dicebat esse, ut si quis diligenter animaduertat quam primum quantitatem agri cognovit, mensurationem ignorare non possit. Reprobat yō tantam eius rei curam ac studium, ut difficiili figuraq; cognitioni inuigilare uelis. Nullam enim utilitatem in illa speculatione uidere se asserebat,

nec